

MAJLIS BANDARAYA SHAH ALAM
(BAHAGIAN KORPORAT DAN PERHUBUNGAN AWAM)

AKHBAR : SINAR HARIAN
TARIKH : 29 APRIL 2016

Bantu kurangkan kesesakan trafik

Persimpangan bertingkat Seksyen 7 dibuka mulai semalam, mampu rancakkan pertumbuhan ekonomi

■ NOR AZIHAN MD GHAZALI

SHAH ALAM - Pembukaan persimpangan bertingkat di Seksyen 7 dilihat bakal memberikan nilai hartanah dan alam sekitar yang tinggi selaras dengan kerancangan pembangunan di Shah Alam.

Menteri Besar, Datuk Seri Mohamed Azmin Ali berkata, menerusi pembinaan tersebut ia mampu menarik minat pelabur asing dan tempatan untuk mengembangkan perniagaan di Selangor.

"Persimpangan ini adalah mercu tanda untuk meningkatkan lagi 'connectivity' jalan raya di Shah Alam.

"Pembangunan persimpangan ini bukan untuk kepentingan mana-mana individu atau pihak tertentu sebaliknya ia akan memberikan nilai tambah kepada pertumbuhan sosial ekonomi yang rancak yang berlangsung di negeri ini.

"Justeru itu, kerajaan negeri komited menaikkan 'inter-connectivity' pengangkutan awam ke semua lingkungan Selangor dan Lembah Klang," katanya ketika berucap pada majlis perasmian persimpangan ber-

tingkat Seksyen 7, di sini, semalam.

Bellau yang juga Adun Bukit Antarabangsa berkata, kerajaan negeri juga yakin dengan perubahbaikan pengangkutan awam dan jajaran jalan raya yang mampan akan membantu sistem penyusunan trafik termasuk merealisasikan nisbah pengangkutan kepada persendirian iaitu 60:40.

"Bagi memenuhi keperluan pembangunan sosial dan ekonomi, kerajaan negeri memperuntukkan RM373 juta untuk 2016 kepada Jabatan Kerja Raya (JKR) bagi membiayai pembangunan projek infrastruktur dan kemudahan awam.

"Daripada jumlah itu, RM199.2 juta disediakan bagi membina dan menaik taraf jaringan jalan raya di Persiaran Mokhtar Dahari dengan kos pembangunan RM157 juta, selain membina jaringan Kota Warisan di Sepang dengan kos RM109 juta," katanya.

Dalam pada itu, Mohamed Azmin turut mengingatkan kerajaan persekutuan agar berunding terlebih dahulu dengan kerajaan negeri sebelum meluluskan sebarang aktiviti pembangunan.

"Peringatan itu selaras dengan peruntukan Seksyen 20 (A) Akta Perancangan Bandar dan Desa 1976 yang menuntut rundingan antara kedua-dua pihak sebelum sebarang kelulusan diberikan," katanya.

Sementara itu, Ketua Pegawai Eksekutif Pemerbadanan Menteri Besar Selangor (MBI), Raja Shahreen Raja Othman berkata, persimpangan bertingkat Seksyen 7 yang dibuka mulai semalam dijangka bakal mengurangkan 43 peratus kesesakan lalu lintas di kawasan persekitaran.



**MAJLIS BANDARAYA SHAH ALAM
(BAHAGIAN KORPORAT DAN PERHUBUNGAN AWAM)**

AKHBAR : **SINAR HARIAN**
TARIKH : **29 APRIL 2016**

Menurutnya, melalui pembinaan tersebut ia bakal memudahakan pengaliran trafik khususnya di Persiaran Kayangan, Persiaran Permai, Lorong Keluli, Persiaran Bestari, Padang Jawa, Jalan Plumbum, Jalan Kristal dan Jalan Platinum.

"Dengan terbinanya persimpangan itu, ia memberi kemudahan kepada lebih 100,000 kenderaan untuk menggunakan laluan itu setiap hari dengan lancar," katanya.

Projek berkenaan adalah milik penuh MBL, manakala Perbadanan

Kemajuan Negeri Selangor (PKNS) bertindak sebagai pengurus projek.

Sementara itu, Pengurus Besar PKNS, Azlan Md Alifiah berkata, projek tersebut mendan kos kira-kira RM50 juta.

"Kerja-kerja pembinaannya memakan masa tiga tahun yang mana ia bermula pada 2 April 2012.

"Pembinaan dari Lebuhraya Persekutian ke pembangunan di Seksyen 7 ini dibuat sebagai satu langkah untuk menyuraukan pengaliran trafik," katanya.



Muhammad Azmin meninjau persimpangan Lebuhraya Persekutian 7 selepas majlis perasmianya, semalam. Foto: Sharifuddin Abd Rahman